

聖濟總錄纂要

三

中國醫學大成第四集

方劑類

聖濟總錄纂要 三

上海大東書局印行

聖濟總錄纂要

清 新安 程 林雲來纂輯

鄞縣 曹炳章赤電校點

卷五

瘧疾門

諸瘧統論

論曰。夏傷於暑。秋成瘧瘧。該於夏而作也。方夏之時。陰居於內。暑雖入之。勢不能動。候得秋氣。陽爲之動變。汗出遇風。乃成此疾。故名曰瘧瘧。皆生於風。蓄作有時。其氣陰陽上下交爭。虛實更作。陰陽相移也。陽併於陰。則陰實而陽虛。陽明虛則寒慄鼓頷。巨陽虛則腰背頭項痛。三陽俱虛。則陰氣勝。陰氣勝則骨寒而痛。寒生於內。故中外皆寒。陽盛則外熱。陰虛則內熱。內外皆熱。則喘而渴。故欲冷飲。因傷

於暑熱氣盛。藏於皮膚之內。腸胃之外。此榮氣之所舍也。令人汗空疎腠理開。因得秋氣。汗出遇風。及得之於浴。水氣舍於皮膚之內。與衛氣並居。衛氣者。晝行於陽。夜行於陰。此氣得陽而外出。得陰而內薄。內外相薄。是以日作。日作者。氣之所舍深也。作之早晏者。隨風腑日下一節也。是以或先寒後熱。或先熱後寒。或但熱無寒。或本於痰。或本於瘴癘。或本於鬼神。或本於邪氣。大概外傳經絡。內入五臟。症既不同。治法亦異。凡治瘧者。不辨陰陽虛實。概以吐藥投之。有非痰實而真氣受斃者。固多。其內經論五臟諸經之瘧。本以刺法補瀉其寒熱先後。與夫正發早晏。又皆不同。明指邪氣所傳。不可一概而論。今備載諸症本末。參以治之輕重。要在隨症而施。庶幾乎無一曲之蔽也。

寒瘧

論曰。寒瘧之狀。內經謂先寒而後熱。病以時作是也。蓋傷暑汗出。腠理開發。因遇夏氣。淒滄之水寒。其氣藏於皮膚腠理之中。秋傷於風。則病成矣。其症先起於毫毛。伸欠乃作。寒慄鼓頷。腰脊俱疼。寒去則內外皆熱。頭痛飲冷是也。

檳榔湯 治寒瘧神效。

檳榔

常山

桂心

陳皮去白炒

甘草炙一兩

酒水合煎三錢。未發時先服。

鼈甲常山酒 治瘧先寒戰。解即壯熱。

鼈甲醋炙一分

淡竹葉一兩

甘草

常山三分

酒半鍾。浸藥一宿。次早加水煎。未發時溫服。得吐為效。

蜀漆散 治寒瘧。

蜀漆水洗去腥焙

雲母火煨一夜

龍骨一兩

共末。未發時漿下五分。

烏梅丸 治寒瘧不止。

烏梅肉炒

桃仁去尖炒

常山

豉炒三分

升麻

肉蓯蓉酒洗

人參

甘草炙

桂心一兩

共末。蜜杵丸。桐子大。空心酒下二十九。至三十丸。

虎骨丸 治一切寒瘧。無問遠近。

虎骨酥油 人參 甘草 桂心

烏梅肉炒五錢 桃仁去皮炒 肉蓯蓉 常山

升麻三分 附子五錢 麝香研一錢 豉炒一合

共末蜜丸。桐子大。未發時飲下三十丸。

二薑散 治寒瘧不差。

黑乾薑 高良薑一兩

同炒黑為末。空心酒下一錢。日三。

寒瘧塗方

鼈甲醋炙五錢 烏賊魚骨 附子 常山

炙甘草一兩

酒煎五錢。次日以酒塗手足并背上。如不發即止。發時飲此酒一杯。

又方

附 子生散
爲末。用酒和塗病人背心上佳。

溫瘧

論曰。溫瘧之狀。內經所謂先傷於風。後傷於寒。其症則先熱後寒。病以時作是也。蓋風爲陽氣。寒爲陰氣。風氣大勝。故先熱而後寒。得之冬中。風寒氣藏於腎內。至骨髓。至春陽氣大發。邪氣不能自出。至夏大暑。腦髓爍。肌肉消。腠理發洩。或有所用力。邪氣與汗俱出。故氣從內之外。其法宜先治其陽。後治其陰。則瘧疾自除。

蘆根湯

治初壯熱。後寒戰。骨節痠疼。口乾煩渴。

蘆根

石膏一兩

麥冬

升麻

葛根三分

山梔五錢

水煎五錢。入竹葉十片。未發前連三服。

知母湯

治瘧骨節疼痛。時嘔。朝發暮解。暮發朝解。

知母二分

甘草一兩

石膏三兩

桂心五錢

粳米一合

水煎五錢。入米一撮。候未熱。未發時先服。

常山飲 治溫瘧壯熱微寒。

常山如鷄骨者五錢 淡竹葉一把 小麥一合

水浸一宿。次早煎。未發時空心溫服。老年久病之人。及虛弱者。煎三錢服。

寒熱往來瘧

論曰。陰陽相勝而寒熱互作者。以邪氣相并也。故氣并於陰則為寒。氣并於陽則為熱。寒則振慄鼓頷。以陰實陽虛故也。熱則渴而飲冷。以陰衰陽勝故也。

柴胡桂枝湯 治瘧寒熱往來。

柴胡四兩 桂枝 人參 片苓

白芍兩半 甘草 半夏一兩

薑棗水煎六錢溫服。日二。

人參湯 治寒熱瘧時作。面色黃。

人參

常山五錢

甘草

陳皮去白

水煎五錢。入茶末燈心去滓。入酒半鍾。未發得先服。取吐。如未吐再服。以痰盡為度。

鼈甲大黃丸 治瘧寒熱往來。久不差。

鼈甲

大黃生

附子

人參

甘草

常山

蜀漆

白薇一兩

共末。蜜丸。桐子大。竹葉湯平旦服十五丸。良久又服。

瘧瘧

論曰。瘧瘧之狀。內經所謂但熱不寒。陰氣先絕。陽氣獨發。少氣煩冤。手足熱而欲嘔是也。得之邪熱留於身中。厥逆上衝。氣實而不外洩。因有所用力。腠理開疎。風寒客於皮膚之內。分肉之間而發。發則陽氣盛不及於陰。故但熱不寒。氣內藏於心。外舍於分肉之間。令人消爍肌肉。名曰瘧瘧。以單陽無陰故也。

白虎加桂湯 治瘧疾陰氣孤絕。陽氣獨發。脈微少氣煩冤。手足熱。欲嘔。但熱而

不寒。邪氣內藏於心。外舍於分肉之間。令人消爍肌肉。

石膏研一兩 知母鹽酒炒 甘草蜜炙 粳米炒半

用新汲水一升。煮藥五錢。入粳米一撮。以米爛為度。去滓入桂末三錢。再煎取四合作一服。稍熱服。取汗。先寒發熱。汗出愈。

豉心湯 治瘰癧但熱不寒。

豉心一合 雄鼠屎炒二錢 童便三升 黑山梔三分

柴胡 鼈甲一分 甘草五錢 烏梅肉七枚

生地汁二合 生薑汁一分 桃枝心 柳枝心各一把

除鼠糞、地薑汁、小便。將藥入小便浸一宿於星月下。次早煎去滓。入鼠屎、地薑汁。煎分三服。一日用。

石膏湯 治瘰癧熱甚不差。

石膏研二 白粳米五十粒 常山三分

水煎五錢。入竹葉二十七片。空心欲發與正發時各一服。靜臥勿與人語。俟過發時。再洗手面飲食。七日內禁房事。及酒麵熱物。久瘰不過二劑。

車前草湯 治瘰癧壯熱不止。渴欲飲水。

車前草

常山

生甘草

升麻

大豉炒五

粳米半合

水浸五錢。於星月下露一宿。上橫刀一把。次早五更煎。空心溫分二服。良久即吐。吐定以漿粥止之。

常山飲 治瘰癧但熱不寒。煩渴不止。

常山

生甘草

烏梅肉炒

青蒿五錢

竹葉二片

以童便白酒各一大鍾微煎。露星月下一夜。上橫刀一把。次早空心溫服。及當發時各一服。以差為度。

間日瘧

論曰。間日瘧者。邪氣著於陰。不得與陽氣俱出也。衛氣晝行於陽。邪氣不得出。故必再會而後發。是以間日乃作。

醇醑湯 治間日瘧。

大黃炒三 常山 甘草炙兩

水煎三錢。未發先服。

常山酒 同治。

常山一兩 蒜獨頭者一枚 糯米 黑豆百粒

共粗搗。以白酒一升。浸上件。露星月下。一宿。上橫刀一口。次早煎。未發時。三分飲一分。如未吐。更服一分。得吐差。

糯米煑散 同治。

糯米九粒 常山 淡竹葉 烏梅肉炒

炙甘草五錢 石膏二兩

共末。水煎五錢。未發時先服。

神聖丸 治間日瘧。先寒後熱。

黑豆小者廿粒 白礞細研一錢 大棗三枚。飯上蒸去皮核

共研極細。須於五月五日。或七月七日修合。丸如豆大。丹砂為衣。陰乾。冷茶清

下三丸。忌食熱物一伏時。合丸時忌女僧、尼姑、鷄、犬。

痰瘧

論曰。痰瘧之狀。胸中不利。頭痛振寒。怵慄而不能食。食即嘔吐。寒去則內外皆熱。更作心下支滿。痰積胸中。氣逆煩嘔。故謂之痰瘧。

石膏 三兩

常山 二兩

淡竹葉 三兩

生甘草

烏梅肉 二兩

粳米 半合

水煎五錢。空心溫服。吐痰差。如熱甚。加大黃一兩。
犀角散 治痰瘧嘔吐。

犀角

升麻

玄參

常山 五錢

細辛

甘草 生

松蘿

山梔 一分

水煎五錢。空心徐徐溫服。取吐痰涎效。

痰瘧

論曰。瘧瘧者。以瘧發該時。或日作。或間日作也。夫衛氣流行。合於晝夜陰陽。邪氣內舍於榮。隨衛氣以出入。而應於風府。其作之早晏。皆以時發。寒溫瘧瘧。動作亥時。故內經統謂之瘧瘧。其狀伸欠。乃作。寒慄鼓頷。腰脊痛。寒去則內外皆熱。頭痛如破。渴欲冷飲。

麻黃丸 瘧瘧發作有時。

麻黃 去根節 一兩

常山

甘草

知母

大黃 生五錢

共末。蜜杵丸。小豆大。未發前空心飲下五七丸。臨發再下。

鼈甲漬酒 治瘧瘧以時發。

鼈甲 九肋者 醋炙

附子

甘草 一兩

常山 二兩

烏賊魚骨 去甲 二兩

酒三鍾。漬藥五錢。明早先以酒塗五心。次溫飲一二鍾。

常山酒 治瘧瘧先寒戰。後壯熱。日發及間日作者。

常山

淡竹葉 一兩

鼈甲 醋炙 一兩

甘草 三分

共粗搗。酒浸五錢。於星月下露一宿。次早水煎。未發時先溫服。取吐效。
知母丸 治一切瘧。

知母

烏梅肉兩半

常山

肉蓯蓉

豉兩二

炙甘草

人參

桂心兩半

共末。蜜丸。桐子大。酒下二十九丸。

捩虎膏 治痲瘰。

胭脂

阿魏一大豆許同研

入大蒜肉研和爲膏。用大核桃一枚。劈開去仁。取一片。以藥填核內。發時將藥核覆在手虎口上。男左女右。令藥着肉。以帛縛定。過宿乃去。

勞瘧

論曰。勞瘧者。以久瘧不差。氣血俱虛。病雖間歇。勞動卽發。故名曰勞瘧。蓋邪氣日深。則氣血愈耗。表裏旣虛。故令人食減肌瘦。色悴力劣。而寒熱如故也。治宜補養氣血。

柴胡湯 治勞瘧經久不差。

- 柴胡一兩
- 人參
- 黃耆
- 片苓

- 甘草
- 括蕒根五錢

薑棗 煎五錢。未發時先服。日二。

祛勞湯 治瘧經年不差。寒熱痿瘦。

- 鼈甲
- 柴胡
- 常山
- 知母

- 甘草
- 青蒿
- 枳殼炒
- 桂心一兩

木香五錢

薑棗水煎三錢。入柳枝心七段。葱白三寸煎。空心未發先溫服。已發又服。

柴胡枳殼湯 治勞瘧經久不差。熯熯發熱。骨節疼痛。不下食。小便赤澀。日漸消瘦。

- 柴胡
- 枳殼
- 升麻
- 麥冬

- 鼈甲
- 甘草
- 桃仁一兩

水煎三錢。未發先服。日二。

常山丸 治積勞寒熱。

常山

知母

蜀漆葉

白薇

炙甘草

烏梅肉炒

麥冬

升麻

地骨皮 三分

鼈甲

菱 蕤 五錢

大鼓 一分

石膏 一兩

共末。蜜丸。小豆大。空心飲下十九。未發前再服。加丸數。以差為度。

烏梅丸 治積年瘧不差。顏色羸瘦無力。

烏梅肉炒

人參

桂心

炙甘草

升麻 五錢

桃仁 去皮炒

肉蓯蓉

常山 三分

鼓 一分

共末。蜜杵丸。桐子大。空心飲下二十九。未發前服三十九。

牛膝飲 治瘧經久不差。

牛膝 兩

水煎空心分二服。

常山湯 治瘧經年不差。

常山

知母

鼈甲

甘草

柴胡

青蒿

枳殼炒

桂心一兩

桃枝心

柳枝心托各一

水煎五錢。入葱白、薤白各三寸。空心溫服。日二。

烏梅五補丸 治瘧經年不差。狀如勞疾。

烏梅肉

黃耆

桂心

肉蓯蓉一兩

柴胡

桃仁去皮炒

赤茯苓

人參

升麻

川歸酒洗

常山

懷生地一兩

甘草炙兩

麝香五錢

共末。蜜杵丸。小豆大。空心酒下二十九。加至三十九。

二物湯 治久瘧。食少肌瘦。

童子小便半升

白蜜一兩

同入磁瓶內煎數沸。分三服。

久瘧

論曰。久瘧者。瘧疾經久不差。發汗吐下過甚。真氣虛耗。邪氣深沉。以內搏。衛氣不應。故積歲月而難治。雖有虛痞不可攻。治當先其發時。用湯液以發汗。蓋浸漬熏蒸。表邪氣方出。出則微汗。令小便利者。表裏俱和。則久瘧自差矣。

黃耆

牡蠣

人參

知母

麻黃根各一兩

共末。未發前小麥湯空心下三錢。未差又服。
車前草湯 治久瘧憎寒壯熱不止。渴欲飲水。

車前草

常山

升麻

甘草五錢

大豉微炒

白糯米炒半合

水浸三錢。露星月下一夜。上橫小刀一口。次早煎。空心溫服。相次又服。良久得吐。吐定即食稀粥。

梔子湯 治久瘧經年不差。

梔子一兩 常山三分

車前子葉錢半 粳米半合

水煎五錢。空心溫服。以吐利為度。

常山湯 治久瘧不止。

常山 烏梅肉兩炒一 生甘草三分

薑水煎三錢。空心溫服。發時再服。以差為度。

鬼瘧

論曰。鬼瘧者。外邪之所乘也。凡人真氣內虛。神守不固。則鬼邪投間而入。故恍惚喜怒。寒熱更作。若有所持。而屢發屢止。治宜禳解。兼以祛邪安神之劑。即愈。獨勝丸 治鬼瘧經久不差。

桃仁大者一枚

和皮尖劈二片。一片書奉勅斬鬼四字。一片書奉勅殺鬼四字。合作一枚。以彩線紮定。五更新汲水吞下。

三聖丸 治鬼瘧

雄黃

雌黃

大黃生各一兩

各研末。用井華水浸。蒸餅丸小豆大。發日清晨取汲水。向東方下二丸。宜五日午時修合。

阿魏雄黃丸 治鬼瘧經久不差。

阿魏

雄黃五錢

柳枝心

桃枝心取向東者各十七寸為末

丹砂一分外一分為衣

共末。以三家粽角小豆大。丹砂丸為衣。發日用淨器磨一丸。塗中指尖上。男左女右。未退。冷水下一丸。

瘧母

論曰。瘧母者。因病瘧久不差。結為癥瘕是也。邪伏於陰。故久而成形。不治其母。雖或時差。已而復發。其本未除故也。治以破結削瘕之劑。除其病本。則瘧自除。鼈肉煎丸 治瘧久不差。結為癥瘕。名曰瘧母。

生鼈肉半斤治如食法

片 苓

葶藶子紙炒

柴 胡

蜣 螂去頭翅足

桃 仁湯泡去皮

大 黃生

牡 丹 皮

紫 苑

瞿 麥 穗去梗

半 夏湯洗去滑薑汁炒

人 參

黑 乾 薑

大 戟

阿 膠蛤粉炒

海 藻水洗去鹹汁

麤 蟲 炒

鼠 婦炒去足

紫 朴一分

桑 螵 蛸兩炒一分

石 韋去毛洗淨用脂炒焦黃

桂 心

射 干取紫色者用米泔浸一日

赤 芍 藥 一 分

共末。取竈下灰三升。白酒二升。用竹籬盛灰。以酒淋取灰汁。澄清。用汁煮鼈肉令爛。絞去肉。將汁入藥末。同煎成膏。試可丸即止。丸如桐子大。未發前空心酒

下二十九。

雄黃丸 治遠年瘧結成癥瘕。

雄 黃醋煑研

丹 砂

麝 香五錢

鼈 甲醋煑

白 薇

虎 頭 骨酥炙

木 香

羚 羊 角

知 母

烏 犀 角

麻 黃去根

防 風

柴胡 茯神 草龍膽 川歸酒洗

牡蠣童便 赤芍藥 猪苓 升麻

檳榔 龜甲醋炙 玄參 烏梅肉

地骨皮 山梔 川連 安息香

阿魏醋研入麵
作餅炙 菱 蕤 桃仁去皮
尖炒 龍齒各三

共末入蜜杵丸如梧子大。未發時空心飲下二十九。臨發再下。

瘧疾發熱身黃小便不利

論曰。寒熱凌虐於人。名爲瘧病。瘧而發熱。小便不利者。身必發黃。此蓋熱氣下迫。入於小腸。水道既澀。故小便不利。

常山飲 治手足苦煩。發熱渴躁。通身悉黃。小便不利。

常山 柴胡 山梔 甘草一兩

石膏 赤茯 蜀漆炒 鱉甲二兩

水煎五錢。入竹葉二七片。豉百粒。

知母湯 治發熱煩渴。咽乾口燥。身黃怠惰。小水澀。

知母 升麻 人參 麥冬

柴胡 犀角 地骨皮一兩

鼈甲 石膏 甘草兩半 赤茯苓三兩

水煎四錢。入豉五十粒。

柴胡湯 治大渴煩躁引飲。身黃小便不利。

柴胡二兩 人參 麥冬 知母

杏仁去皮尖 炙甘草五錢

水煎四錢服。以利為度。

赤茯苓 治發熱煩躁。身面黃。小便不利。

赤茯苓 片苓 桂心一兩 升麻

甘草 常山 蜀漆炒五

水煎五錢服。以利為度。

赤茯苓湯 同前。

赤茯苓

白芍兩一

白朮土分

木通

瞿麥穗一兩

生薑葱白水煎。五錢溫服。以利為度。

瘧痢

論曰。瘧痢者。瘧久不差。寒熱邪氣內搏腸胃間也。其病寒熱往來。利下膿血。赤白相雜。腸中切痛。隨其陰陽而治之。

黃連犀角丸 治傷寒病瘧兼痢疾。無問下赤白水穀完出及下鮮血。并皆主之。

川連

犀角

豉兩二

龍骨火燉

牡蠣醋碎

共末。蜜丸桐子大。飲下三十九。日二。

前胡丸 治傷寒瘧氣急黃并利。

前胡

赤茯苓

片苓

白芍

枳殼去瓢炒

大麻仁半兩

大黃生一兩

其末。蜜九小豆大。空心飲下十九。以溏利爲度。又利服十五丸。

瘴氣

論曰。傳言瘴氣乃山川毒厲之氣。又云江山霧氣多瘴。凡以其氣鬱蒸而然也。闕諸方論治瘴氣之法不一。或謂其症與傷寒相類。有在表可汗者。有在裏可下者。有在膈可吐者。或以治瘧法治之者。蓋原廣南山川地形瘴氣所生之因。及春夏之交。又瘴氣所起之時。與夫人染瘴氣。搔治之法。悉著於篇。庶可考焉。且陽生於子。感于巳。陰生於午。感於亥。陽不極則陰不萌。陰不極則陽不長。而廣南位當巳午。則陰陽之氣。蘊積於此。可知矣。天不滿西北。地不滿東南。西北陰也。土地高厚。東南陽也。土地卑下。而廣南屬東南。則土地之卑下。可知矣。以土地卑下。而陰陽二氣所蘊積。是以四圍之山。崇高相環。百川之流。悉皆歸赴。及秋草木不凋。瘴冬令。蟄蟲不伏藏。寒熱之毒。蘊積不散。霧露之氣。易以傷人。此岐伯所謂南方地。下水土弱。蓋霧露之所聚也。故瘴氣獨盛於廣南。然瘴氣所起。其名有二。孟夏之時。瘴名芳草。而終於秋。孟冬之時。瘴名黃芒。而終於春。四時皆能傷人。而七八月間。

山嵐煙霧蛇虺鬱毒之氣尤甚。當是時。疾瘴大作。不論老少。或因飢飽過傷。或因榮衛虛弱。或衝煙霧。或涉溪澗。但呼吸斯氣。皆成瘴疾。其狀頭疼體痛。胸膈煩滿。寒熱往來。咳嗽多痰。全不思食。發渴引飲。或身黃腫脹。眉髮脫落。此皆毒厲鬱蒸之氣所致。夫生於凌者。安於凌。其土人宜無所慮矣。後且日食檳榔。蓋檳榔之性破堅毒。除蘊積故耳。治法先以磁石下收其陰。次以丹砂上正其陽。陰陽氣正。中滿自消。然後以檳榔解其餘蘊。毒斯愈矣。

磁石丸 治瘴氣下收其陰。

磁石三兩酒碎七次

研極細。醋煮糊丸。小豆大。汲水下三十九。日二。

丹砂散 治瘴氣上正其陽。

丹砂明亮者三兩飛

蜜水下五分。日一服。

秦芫湯 治山嵐瘴氣如瘧狀。

秦芫 柴 胡半分 常 山一分 糯 米一撮

烏梅肉炒三枚

共作一服。水煎半分。二服取吐利。

元氣十補丸 治傷寒瘧氣。人虛弱。面黃不思食。或因或省。心腹脹滿。痞氣耳鳴。

巴戟天

肉苁蓉

白朮

石斛

五加皮一兩

鹿茸

去毛麋炙五錢

兔絲子酒煮

人參

柏子仁

甘菊三分

共末。蜜丸。桐子大。空心酒下二十九。日二。

香椿散 治瘧氣惡心。四肢痛。口吐酸水。不思食。憎寒壯熱。發過引飲。二廣閩中

多山嵐煙霧。蛇虺鬱毒之氣。當秋七八月之間。芒華發時。此疾大作。俗謂之黃

芒瘧。又謂之芳草瘧。是也。蓋人或因飢飽。或因虛怯。或衝煙霧。或涉溪澗。遂得

此疾。謂之黑脚瘧。蝦蟆瘧。啞瘧。其名不一。並皆治之。

香椿嫩葉酒浸三兩

炙甘草

南壁土取者

臘茶一兩

共末。酒下二錢。如患久者。加入柴胡。甘遂各五錢。空心臨臥服。

菖蒲散 治瘧氣久治不差。

石菖蒲

川芎

白朮炒

蒼朮炒香

荆芥穗

炒山梔一兩

吳茱萸

甘草

硝石

側柏炒黃

荷葉五錢

共末薄荷湯下二錢。如患瘧疾。薑棗煎服。

煑黑豆丸 治山嵐一切瘴氣。

白朮

蒼朮

甘草

貫衆二兩

共末蜜丸彈子大。用黑豆一合。入銚內令平。將藥安豆中。入水高豆一指許。慢火煑乾復暴乾。以絹袋盛之。用新汲水吞二十粒。有患處空心一服。如涉遠遇饑。水下五十粒至百粒。可充饑餒。

烏藥湯 治嵐氣一切瘴氣。

烏藥一斤

半夏一斤

桂心

甘草二兩

馬鞭草半斤

陳皮去白

荆芥四兩

薑水煎三錢服。

瘴瘧

論曰。人與天地流通。萬物一氣。故有感於山川毒厲之氣。而為病者。瘧瘧是也。以其寒熱相似於瘧。故名瘧瘧。傳謂兩山夾水多瘧。蓋陰氣多而陽氣少。則易為寒熱之疾也。

白薇湯 治瘧瘧經百日并一年者。

白薇

知母

升麻

龍膽草

炙甘草

蜀漆葉炒

片苓

苦參五錢

常山

大黃微炒

淡竹葉三兩

鼈甲醋炙

豉一合

獨蒜三枚

石膏

赤茯苓三分

酒水合煎三錢。先時及發時各一服。仍以藥汁塗手心并面。

木香丸 治一切瘧瘧毒等瘧。

木香一分

升麻

玄參

猪苓三分

甘草

檳榔

炙鼈甲

犀角五錢

豉一合

共末。蜜丸小豆大。空心酒下三十九。日二。

砒霜丸 治山嵐瘴氣寒瘧。解邪毒。

白 砒一分 澱 花二兩 鐵砧上末四兩水

共研入麝香少許。金銀箔各十片。糯米丸。芡實大。酒下一丸。吐瀉差。

常山散 治瘴瘧寒熱往來。二三日一發。

常 山 厚 朴一兩 草豆蔻二枚 檳 榔

炙甘草五錢 烏梅肉七枚

水煎三錢。候冷。未發前先服。如熱服即吐。

保安湯 治瘴瘧久不差。

常 山 桃 仁五錢 知 母 青 蒿一兩

薑水煎二錢。稍熱服。

中暍門

中暍統論

論曰。盛夏炎熱。人多冒涉路途。熱毒易傷。微者客於陽經。令人嘔逆。頭眩。心神懊

悶。汗出惡寒。身熱發渴。卽時不治。乃至熱氣伏留經絡。歲久不除。遇熱卽發。俗名暑氣。甚者熱毒入內。與五臟相併。客邪熾盛。鬱痧不宣。致陰氣卒絕。陽氣暴亡。經絡不通。故奄然悶絕。謂之中暈。此乃外邪所擊。真臟未壞。若遇藥救。氣通則甦。但治熱暈不可飲以冷物。冷則熱不流通。若外以冷觸。則熱蘊積於內。反不得宣發故也。

中熱暈

論曰。熱暈之病。由冒犯暑熱邪氣。其脈弦細乳遲。其狀汗出惡寒。身熱而渴。身重疼痛。小便已。則灑灑然毛聳。四肢逆冷。微勞動則熱。口開齒燥。經所謂脈虛身熱。是爲傷暑。此不可汗下。若汗下之。則惡寒更甚。宜以去熱邪藥治之。則愈。

白虎湯

治中熱暈。頭痛汗出惡寒。發熱而渴。

知

母去毛六兩

石膏研一斤

甘草生二兩

粳

米六合

水煎五錢。空心溫服。一方加人參。

小香薷飲 治伏暑吐逆中暈。

香薷穗二兩

人參一兩

白扁豆錢炒五

水煎三錢。空心溫服。

竹茹湯 治中暍煩渴不止。

竹茹一合

甘草一分

烏梅肉枝二

水煎時時細呷愈。

消暑散 治中暑煩躁。多困乏力。

人參

白麵一兩

共末。空心汲水下二錢。

甘露散 治暑氣。

川連一兩

吳茱萸洗五錢

同炒黃黑色。放地上去火毒。去萸用連為末。食後茶清或汲冷水下五分。

甘露丸 治中暑熱躁悶。

寒水石火煨放井中浸七日研四兩

天竺黃

馬牙硝二兩

生甘草一兩

冰片研五錢

共末。糯米粥丸。芎實大。薑蜜水下一丸。

救生散

治中暑毒煩躁渴悶。

脂

麻新者三兩
慢炒黑色

爲末。用新汲水下三錢。以差爲度。凡暑熱外不可以冷物逼之。得冷卽死。

中暈悶絕

論曰。中暈之病。令人悶絕者。乃熱毒傷於臟也。蓋心藏神而惡熱。若冒觸暑毒。蘊蓄於五臟。則陰陽不能升降。經絡不能宣通。故奄然悶絕。然真臟未壞。救療有方。使呼吸之氣宣通卽甦。亦不宜待其自甦。又不可使之犯冷。若外犯冷。則與熱氣相拒。令氣反不通而速斃。宜慎之。

熱暈欲死悶絕方

生地汁一鍾

令旋旅灌之。卽甦。

中暑毒熱暈不省方

上白麵

用熱湯和三錢。令人灌之。即差。

中熱不省人事方

大

蒜去衣搗爛

用新汲水調和灌之。差。

又方

以溼泥團中。噉人臍。使二三人溺其中。不可使流去。此路上有湯可用。乃令人溺取溫。有湯不必溺也。仲景不云泥及車缸。蓋此物必冷。噉人忌冷。若得熱湯和泥及火燒平缸可用也。

又方

生菖蒲

搗取汁。微溫一鍾。令人灌之。愈。

又方

掘地作小坑子。以蜜半鍾傾坑內。入新汲水二三鍾攪勻。取起放碗內澄清。水

漿一鍾。灌之。差。

中熱。喝死方。

取路上熱塵土。以壅其心。冷復易之。候患人氣通。乃止。

陳皮湯

陳

皮去白炒

黑乾薑

炙甘草一兩

水煎三錢。稍冷。噉。勿頓與之。中喝垂死。備急救生。

霍亂門

霍亂統論

論曰。三焦者。水穀之道路。氣之所終始也。因風冷。或飲食傷內。致中焦不和。則正氣不守。而邪得內干。揮霍之間。便至撩亂。故名霍亂。蓋清濁相干於腸胃之間。便至撩亂。腹痛即利。中者。中利俱發。其不吐不利。謂之乾霍亂。亦以冷食暴爭於中。而不得出也。然脈必代者。以氣不足也。脈大能言者。為可治。若脈微氣劣。而不欲言。為難治。

霍亂吐利

論曰。霍亂吐利者。以三焦氣不升降。而清濁相干於腸胃。五內悶亂。先心痛則吐。先腹痛則利。心腹並痛。則吐利俱作。治此者。當清中焦爲本。中焦既和。則清濁自分。而吐利止矣。

藿香湯 治吐利不止。

藿香 五錢

白芷

砂仁 一兩

丁香 一分

水煎三錢。稍熱呷。

大豆飲 治吐利不止。

大豆

陳皮

香薷

竹茹

前胡

蘆根

枇杷葉

薑水煎五錢服。以差爲度。

理中湯 治霍亂吐利虛冷。

人參

白朮 三兩

甘草

乾薑 二兩

水煎五錢溫服。若胸滿腹痛吐下者。加川歸紫朴薑炒各二兩。
四順湯 治吐下虛冷厥逆。腹痛乾嘔。

乾薑 人參 甘草二兩 附子一枚

水煎五錢。空心溫服。一方下甚者。加龍骨二兩。腹痛不止。加川歸二兩。

香薷丸 治冷熱不調。霍亂吐下。

香薷兩半 扁豆 木香一兩 丁香皮二兩

益智仁一分 零陵香 藿香五錢

共末。糊丸桐子大。蘇葉湯下二十九。

青金散 治吐逆手足厥冷。面青。諸藥不效者。

硫黃一作兩煨 水銀一兩與硫黃汁

研細。用冷木瓜湯下二錢。米飲下亦可。

和氣煑散 治吐下冷熱不和。

胡椒 菴豆一兩 人參一分

共末。水煎三錢。空心稍熱服。日二。

霍亂嘔吐不止

論曰。霍亂嘔吐不止者。胃氣逆故也。胃氣逆則氣上而不下。故嘔吐不止也。若上下升降。陰陽和平。而吐自止矣。
人參藿香湯 治霍亂。

藿香

紫朴二兩

人參

白朮

乾薑

青皮

枇杷葉

半夏薑炒

甘草一兩

丁香五錢

草豆蔻六枚

薑水煎三錢熱服。定嘔逆。止心腹刺痛。進飲食。化痰益氣。

香薷湯

治吐逆不止煩悶。

香薷

薄者一斤

扁豆

紫朴薑汁炒

水酒合煎五錢。汲水坐頓冷分二服。未效再服。

紫朴湯

治嘔吐不思食。

紫朴

薑汁炒

人參

白朮

半夏薑炒

陳皮一兩

薑棗水煎三錢。空心溫服。日二。

返魂湯 治嘔逆手足厥冷。

食鹽一分 生薑一兩

用童便碗半。煎一碗。分三服。

人參湯 治下焦熱氣逆上。嘔吐不止。名曰走哺。

人參 山梔 片苓

萎蕤一兩 白茯苓 陳皮

石膏兩半

薑水煎三錢服。日二。

四汁煎 治吐嘔不止。

生藕汁 生葛汁 木瓜汁一合

用慢火煎如錫。頻服一二匙。含化徐徐津液咽下。

藿香散 治吐逆。開胃和氣。

生薑汁半合

藿 香 一 兩
人 參
丁 香 五 錢
訶 勒 皮 十 枚

石 蓮 心 二 百 粒
糯 米 三 百 粒

共 末 煨 生 薑 大 棗 煎 濃 湯 下 二 錢。

霍亂四逆

論曰。四 肢 為 諸 陽 之 本。陽 氣 之 所 通 也。霍 亂 吐 利。陽 氣 暴 厥。故 四 肢 逆 冷。而 脈 微 欲 絕 也。古 法 治 四 逆 專 於 通 脈。蓋 榮 衛 流 行。氣 道 升 降。則 手 足 自 和。逆 者 順 矣。理 中 湯 治 傷 寒 霍 亂 嘔 逆。四 肢 厥 冷。煩 悶 汗 出。食 不 化。心 腹 虛 滿。拘 急 短 氣。

麥 冬 乾 薑 六 兩 人 參 白 朮 五 兩

附 子 白 朮 三 兩 甘 草 四 兩

水 煎 三 錢。空 心 溫 服。少 頃 又 服。

龍 骨 湯 治 吐 利 手 足 逆 冷。

白 龍 骨 黑 附 子 一 兩 黑 乾 薑 人 參

炙 甘 草 兩 半

生薑水煎三錢。空心溫服。以差為度。

霍亂心腹痛

論曰。霍亂心腹痛者。由脾胃虛弱。客風冷之氣。使陰陽不和。致水穀相并。清濁莫分。變亂於腸胃之間。令人心胸煩懊。悶亂不安。故名霍亂。然邪氣上干於陽絡。則心痛而嘔吐。下搏於陰經。則腹痛而瀉利。故謂之霍亂心腹痛也。

桂心湯 治心腹疼痛。煩嘔不止。

桂 心三兩 紫 朴薑汁炒 枳 實麸炒

薑水煎三錢。溫服。日二。

抵聖散 治霍亂宿食不消。心腹疼痛。

紫 朴薑汁炒 白 朮土炒 人 參 白 茯苓

高良薑炒 木 香 吳茱萸洗炒 草豆蔻

枳 殼 甘 草 陳 皮去白炒

共末。空心沸湯下二錢。日二。

石菖蒲汁湯 治霍亂心腹痛急如中惡。

石菖蒲 生者四兩

水洗搗取汁一鍾。分四服。熱湯和汁溫服。

厚朴湯 治霍亂心腹痛煩不止或嘔。

紫朴 薑汁炒

桂心

枳殼 去白炒二兩

白芍 炒

檳榔 微煨一兩

生薑水煎三錢。空心溫服。

縮砂散 治心腹冷痛。嘔逆惡心。滑泄不止。

砂仁

陳麩

白朮

赤石脂

黑乾薑

吳茱萸 洗炒

川芎

龍骨 一兩

共末。熱米飲下二錢。

乾霍亂

論曰。乾霍亂之狀。中氣喘爭。而不吐不利是也。蓋腸胃挾實。與正氣相搏。正氣暴

衰。神志昏冒。上下隔塞。冷汗自出。治之稍緩。則不可救。

鹽便湯 治不吐不利。冷汗自出。氣悶將絕。

食鹽半匙 童便一鍾

和勻溫服。少頃。吐下即愈。

紫蘇丸 治乾霍亂。

紫蘇 陳皮 人參 桂心

高良薑一兩

共末。蜜丸。梧子大。纔覺食不消。氣滿惡心。欲吐不吐。乾嘔。酒下二十九。日二。

人參湯 同上。

人參 白茯苓 紫朴一兩 桂心

甘草 高良薑錢五

薑水煎三錢溫服。日二。

黍米飲 治乾霍亂。

黍米二合

水研澄清取白汁。呷盡即差。

不得吐利方

食鹽一合 汲水一升

同煎。令鹽消服之。吐出涎沫便愈。如不吐。又如上法飲之。令吐佳。

活命飲 治脾元虛損霍亂。不吐利。腹脹如鼓。心胸痰壅。

食鹽一合 生薑 葛根五錢 丁香七枚

炙甘草一分

作一服。用童便煎。溫分二服。未差再服。

中惡霍亂

論曰。中惡霍亂者。由客邪內干。正氣暴亂。使胃中食物不化。氣道否澀。不得宣通。令人心腹卒痛。吐利煩悶。甚則精神冒昧。靡所知識。此得之鬼氣所作也。

麝醋方 治中惡霍亂。

麝香一錢細研 米醋半鍾

共和勻。分二服。

白朮湯 治中惡吐利。手足痲痺轉筋。

白朮土炒

人參

木瓜一兩

炙甘草

黑乾薑五錢

生薑、大棗水煎。三錢溫服。日二。

霍亂乾嘔

論曰。霍亂乾嘔者。胃氣逆也。本於吐利之後。脾胃俱虛。三焦不理。氣時逆上。但嘔逆而無所出。故名乾嘔。

木瓜湯 治乾嘔。

木瓜一枚

人參

乾薑一兩

紫朴五錢

水煎五錢溫服。日二。

薤白湯 治乾嘔不止。

薤白一把

水煎二服。以知爲度。

厚朴湯 治胃弱嘔吐不止。

紫 朴四兩

白 朮五兩

人 參

白 朮三兩

扁豆葉乾二兩

水煎五錢服。

霍亂轉筋

論曰。霍亂轉筋者。緣風冷傷於三焦。傳於脾胃。脾胃得冷。則陽氣不得宣行。致四肢筋絡不得舒緩。此由中氣不足。其候冒悶不安。脛筋攣結。膈肉緊痛。反急於上。蓋足陽明之經虛。膀胱之脈寒也。然足陽明之脈。其支者起胃下口。循腹裏。下至氣衝中而合。以下髀關。抵伏兔。下入膝臑中。下循髀外廉。足太陽之經。其脈循髀外後廉。下合膕中。貫膈內。是動則病。髀不可曲。轉膕如結。膈如裂。治宜調胃。腑溫。膀胱則小水得宣。寒冷自下。胃腑溫和。霍亂可愈。轉筋之疾。無由作也。

川椒湯 治轉筋。

川椒炒出汗一分 烏梅肉炒七枚

水煎入蜜少許頓服。老人亦可。

肉豆蔻湯 治霍亂轉筋。

肉豆蔻麩煨 人參二兩

桂心

吳茱萸洗炒一兩

薑水煎三錢服。

雞屎白湯 治轉筋悶絕欲死。

雞屎白炒一合 胡椒二十粒

木瓜六兩

白朮

桂心 高良薑一兩

生薑六兩

水煎五錢溫服。日二。

木瓜湯 治轉筋吐利不止。

木瓜一兩 青葙銅錢四十枚 烏梅肉炒五枚

水煎分二服。

藿香子散 治吐利轉筋煩悶。

木香 藿香子炒 人參 陳皮五錢

甘草一兩 石菖蒲一兩

共末。冷米飲下三錢。頃再下。

生薑酒 治轉筋入腹欲死。

生薑五兩切片

酒一升。煎八合。頓服差。

雞屎白湯 同上。

雞屎白兩研

水煎二錢頓服。勿令病人知。

附子湯 治轉筋淋足。

附子一枚 葱白半斤 生椒綿裹

水一斗。煎數沸去渣。以鹽漿水解之。淋洗立差。

鹽搨法 同上。

食鹽三合

水五升。煎三升。浸青棉布。搨轉筋上。

苦酒絮裹足法 同上。

苦酒二升

以絮內酒中煮酒。裹患處差。

又方

木瓜二枚切

水煎湯。以青棉布漫裹。

神聖香薰飲 治胃氣虛霍亂吐利。轉筋腹痛。

香薰穗兩半

川連微炒

紫朴薑汁炒

白扁豆兩炒一

用生薑汁四兩。慢炒連。朴紫黑色。入二味。同搗粗末。酒水合煎五錢。用器盛。入

井中浸冷。連進二服。至死者亦可救。

治轉筋方

糯米二兩

人參

生甘草

乾薑二錢

共為末。用新汲井水下三錢。以差為度。

聖濟總錄纂要

清

新安

程

林雲來纂輯

鄭縣

曹炳章赤電校點

卷六

泄痢門

泄痢統論

論曰。脾與胃合。其象土。外榮肌肉。內熟水穀。風寒水溼襲於外。則留連肌腠。傳於脾胃。若飲食不節。害於內。腸胃乃傷。不化糟粕。皆能爲病。所得之源不一。故立名多端。且久風入中。則爲飧泄。溼勝則爲濡瀉。寒中則爲洞泄。暑勝則爲毒痢。而又或冷或熱。或赤或白。或色雜。或腸垢。或滯下。或休息。或疝。或蠱之類。種種不同。悉由養攝失宜。飲食不慎。致腸胃不調。邪氣交攻。施治之法。則有宜調補。宜攻化。宜

收斂。宜滲泄。各隨所宜以治。

水瀉

論曰。內經謂諸厥洞泄。皆屬於寒。暴注下迫。皆屬於熱。蓋為冷熱不調。氣不相濟也。脾胃怯弱。水穀不分。溼飲留滯。水走腸間。禁固不能。故令人腹脹下痢。有如注水之狀。謂之注泄。名為水瀉。紫朴散 治一切水瀉冷痢。

紫 朴

白 朮

乾

薑 一兩

甘

草 五錢

陳 皮 三分

共末。飲下三錢。日二。霍亂吐瀉。新汲水下。

肉豆蔻散 治水瀉無度。腸鳴腹痛。

肉 蔻 一兩

薑 汁 二合

白

麩 二兩

將蔻為末。用汁和麩。裹末煨熟。飲下二錢。

黃蠟丸 治水瀉不止。傷冷虛極。

硫黃 黃蠟一兩

研硫。化蠟。和勻。丸梧子大。汲水下五丸。

紫朴散方 治暴水瀉不止。

紫朴一兩 白朮

川連

甘草

赤茯苓 乾薑

白豆蔻三分

訶勒一兩

共末。飲下二錢。

訶梨勒丸 治水瀉。腸滑不禁。

訶勒 龍骨

乾薑

赤石脂一兩

共末。糊為丸。如梧子大。飲下二十丸。

正氣散 治水瀉腹痛。日夜不止。

砂仁 附子

白朮

人參

龍骨 石榴皮

甘草

肉蔻

吳黃 地榆

乾薑

赤石脂一兩

共末。飲下三錢。

又方 治水瀉水穀不化。日夜不止。

熟艾半斤

慢炒合熱包裹坐之。冷再炒。

濡瀉

論曰。內經云。溼勝則濡瀉。甲乙經曰。寒客下焦。傳為濡瀉。夫脾為五臟之至陰。其性惡寒溼。今寒溼之氣。內客於脾。則不能裨助胃氣。腐熟水穀。致清濁不分。水入腸間。虛莫能制。故洞泄如水。隨氣而下。謂之濡瀉。

肉菴

川連

訶勒三分

白朮

甘草

赤茯苓

乾薑五錢

紫朴一兩

共末。飲下二錢。

又方 治腸胃受溼。濡瀉不止。

紫朴

甘草一兩

肉豆菴五枚

共末。飲下二錢。日二。

附桂丸 治濡瀉水痢不止。

桂心

附子一兩

乾薑

赤石脂二兩

共末。蜜丸。梧桐子大。飲下二十九。

白朮丸 治脾胃受溼。濡瀉不止。

白朮

人參

乾薑炒黑三分

紫朴用生薑同炒一兩

共末。蜜丸。梧子大。飲下二十九。

生薑黃連散 治水瀉久泄瀉。

生薑四兩

川連一兩

將薑切片。與連同入鍋。慢炒薑赤色。去薑。用連為末。臘茶下二錢。二服止。

飧泄

論曰。內經云。清氣在下。則生飧泄。又曰。久風為飧泄。夫脾胃土也。其氣沖和。以化為事。今清濁交錯。風邪之氣。得以干胃。故沖氣不能化。而食物完出。夕食謂之飧。

以食難化者。尤在於夕。故食不化而泄出。則謂之飧泄。此俗所謂水穀痢也。白朮湯 治風冷入中。飧泄不止。脈虛而細。日夜數行。口乾腹痛。

白朮

紫朴

熟艾

龍骨

川歸一兩

薑水煎三錢。溫服。

洞泄寒中

論曰。內經云。謂長夏苦病。洞泄寒中。洞泄者。謂食已卽泄。乃飧泄之甚者。此因春傷於風。邪氣留連。至夏發爲飧泄。至長夏發爲洞泄。蓋當春之時。陽氣在表。爲風邪所中。入客於經。未至臟腑。夫風者陽氣也。東方木也。木能勝土。脾胃受之。仲夏則陽盛之時。以陽邪之氣。逢陽盛之時。重陽必陰。病在脾胃。故爲飧泄。陰生於午。至未爲甚。是長夏之時。脾土當旺。脾爲陰中之至陰。故陰氣盛。陰氣旣盛。則生內寒。故令人臟腑內洞而泄。是爲洞泄寒中之病。

附子丸 治洞泄寒中。注下水穀。或痢赤白。食已卽出。食物不消。

附子

烏梅肉炒一兩

川連炒二兩

乾薑炒兩

共末。蜜丸。梧子大。飲下二十九。

溫中丸。治脾胃虛寒。洞泄不止。

附子

乾薑

龍骨

硫黃

肉豆蔻二兩

共末。糊丸。梧子大。食前艾湯下二十九。

火輪散。治脾胃氣寒。大腸虛滑。日夜不止。

附子一枚

肉蔻五錢

乾薑一分

共末。空心飲下二錢。

鷺瀉

論曰。脾氣衰則鷺瀉。蓋陰中之至陰脾也。為倉廩之官。若脾胃氣虛弱。為風冷所乘。則陰氣盛。陰氣盛則臟寒。致糟粕不化。故大便色黑。狀如鷺瀉也。又大腸有寒。亦令鷺瀉。

吳茱萸丸 治脾氣不足。鶩溏青黑。

吳 萸

乾 薑

陳 麩

川 歸

赤石脂 三分

紫 朴 一兩

共末。蜜丸梧子大。飲下二十九。

龍骨黃連湯 治脾氣不足。鶩溏青黑。

龍 骨

五色者一兩煖

川 連

三分薑汁炒

川 歸

乾 薑

甘 草 錢五

薑水煎三錢。空心溫服。日二。

白滯痢

論曰。白滯痢者。冷痢之類。蓋腸虛受冷。留而不去。與津液相搏。結滯如膿。或如凝脂而下。故曰滯痢。

人參湯 治白滯痢及小便色白。

人 參

龍 骨

白 朮

川 歸

甘草

乾薑五錢

紫朴一兩

水煎五錢。溫服。日二。

赤石脂散 治白滯痢。

赤石脂一兩

乾薑三分

共末。飲下一錢。未差再服。

薑附子丸 治臟寒下痢白膿。心腹痛。

乾薑

附子

龍骨

訶勒皮一兩

共末。飲下二錢。

冷痢

論曰。下痢其色或青或白或黑者。皆冷痢也。此因腸胃虛弱。寒氣乘之。故令人大便痢下青黑。若其痢色白而食不消者。寒中也。當診其脈沉則生。浮則死。其人素有積寒。即久冷痢有膿也。

牡蠣湯 治冷痢腹痛。

牡蠣燒紅 醋淬 白朮 川歸 乾薑

龍骨煨三兩 赤石脂一兩 附子炮去 人參

白芍 甘草五錢

水煎三錢。溫服。若下膿加紫朴。嘔逆加陳皮。

肉豆蔻丸 治冷痢青白色黑者。

肉豆蔻 炙甘草二兩

水煎三錢。溫服。日二。

訶勒湯 治脾胃虛冷。下痢滑泄。不思食。及一切冷氣。

訶勒 紫朴 白朮 甘草

陳皮 草豆蔻一兩

生薑大棗水煎三錢。溫服。日二。

吳茱萸丸 治冷痢下膿血。臍腹痛脹滿。食不化。

吳茱萸 乾薑兩半 紫朴 川歸四兩

陳麩 赤石脂一兩

共末。蜜丸。梧子大。飲下二十九。

赤石脂丸。治多年冷痢。飲食不化。或青或黃。四肢沉重。起即目眩。手足逆冷。

赤石脂

熟艾一兩

乾薑

川

椒兩半
出汗

烏梅肉兩
炒五

共末。蜜丸。梧子大。飲下二十九。

四白散。治一切冷痢。

白龍骨

白石脂

胡粉炒

枯

礬五錢

共研極細。飲下二錢。

熱痢

論曰。凡痢色黃赤並熱也。甚則下血汁。此由腸胃虛弱。邪熱氣乘虛入客於腸間。故其症下痢兼黃赤。或血雜下。腹中熱。小便赤澀。身熱煩渴。故名曰熱痢。

生地黃湯。治熱痢不止。

生地五錢

甘草一分

地榆三分

水煎三錢。空心溫服。日二。

甘草湯 治夏月暴下熱痢。

甘草五錢 生薑一分 白蜜一合

漿水五合煎。分二服。日二。

蒲根湯 治熱痢。

蒲根二兩 粟米二合

水煎三錢。溫服。日二。

黃連湯 治熱痢腹痛。日夜百行。氣欲絕者。

川連一斤 附子一兩 白朮 龍骨

赤石脂 乾薑 阿膠 川歸一兩

水煎五錢。空心溫服。日二。

赤痢

論曰。熱痢之盛者。為赤痢。本由腸虛為風邪所傷。又挾邪熱。血得熱而妄行。乘虛

必湊滲入腸中。與痢相雜。其色純赤。名爲赤痢。若腸虛不復。則又爲久赤痢。變成嘔噦。疳蠱之候矣。

黃柏丸 治痢下黃赤水。或黃赤膿。四肢煩。皮膚冷。

川柏 片 芩一兩 川連二兩 熟艾五錢

共末。蜜三兩。蠟一兩。化丸。梧子大。飲下二三十丸。

六神湯 治赤痢腹痛。或下純血。

川連 車前子二兩 陳皮去白炒一兩 山梔

甘草 地榆五錢

水煎五錢。空心溫服。日二。

血痢

論曰。邪氣客於血脈之中。腸胃虛弱。血隨熱行。流滲腸間。因便血下。故名血痢。其脈見虛小者。生身熱疾數者。難治。

茜根湯 治痢下鮮血。

苦根

川連

地榆一兩

山梔二十枚

犀角剉末一分

水煎三錢。入薤白三寸。香豉一撮。溫服。

艾葉飲 治血痢不能止。小腹刺痛。

艾葉

川連

川歸

龍骨

訶勒皮二兩

水煎三錢。溫服。

三物散 治一切血痢。

胡黃連

烏梅肉

竈下土一兩

共末。茶下二錢。

葛粉飲 治血痢日夜無度。

葛粉

白蜜一兩

汲水四合和勻服。

地榆湯 治血痢日夜無度。

地榆二兩 甘草錢五

水煎五錢。溫服。日二。

人參散 治一切血痢腹痛。

人參 肉豆蔻

烏魚骨二兩

共末。飲下二錢。

通聖散 治血痢腹痛。日夜無度。

大棗去核 烏梅肉七枚

甘草一尺

乾薑三錢

共末。薑棗水煎三錢服。

膿血痢

論曰。春傷於風。邪氣留連。夏為洞泄。若遇熱氣乘之。則血隨熱行。滲入大腸。與腸中津液相搏。致積熱結。血化為膿。膿血相雜。故成膿血痢。秋冬診脾脈微澁者是也。其脈滑大。或微小。沉細。虛遲者皆生。若懸絕。或實疾。或數大。身熱者皆死。

黃連丸 治下痢膿血羸瘦。

川連

龍骨

苦參

紫朴一兩

熟艾

枯礬

赤石脂

甘草

陳麩

乾薑五錢

共末。蜜丸如梧子大。飲下二十九。

柏葉丸 治膿血久痢腹痛。

側柏葉

川黃連

阿膠

地榆

川歸五錢

共末。蜜丸梧子大。飲下二十九。

乾薑丸 治膿血痢日久不止。

乾薑

川連

川柏一兩

附子

甘草

熟艾

烏梅肉三分

共末。蜜丸如梧桐子大。飲下二十九。

二宜散 治新久痢下膿血。

川連

吳茱萸二兩

各製爲末。赤膿多。黃末一錢。連末倍之。白膿多。連末倍於黃末。俱飲下。

赤白痢

論曰。赤白痢者。由腸胃虛弱。冷熱相乘。客於腸間。變而爲痢。蓋熱乘於血。流滲腸內。卽赤。冷氣入搏。津液凝滯。則白。其候裏急後重。數至圞而不能便。膿血相雜。故名赤白痢。重者狀如膿涕。而血雜之。輕者血膿上有赤脈薄血。狀如魚脂腦。世謂之魚腦痢。

黃連散 治赤白痢腹中痛。口乾。或作寒熱。

川黃連分三

白朮

片苓

甘草

乾薑

川歸

烏梅肉五錢

阿膠一兩

共末。水煎三錢。溫服。

白朮丸 治赤白痢及水穀冷熱氣痢。

白朮

川歸

龍骨

犀角

赤石脂

烏梅三分

紫朴

川連一兩

乾薑 甘草五錢

共末。蜜丸。梧子大。飲下二十九。

為梅散 治赤白痢久不止。腹痛下血。脫肛。

烏梅肉 川歸 地榆 赤石脂

川連 樗根白皮五錢 乾薑三分 甘草一分

共末。飲下二錢。

加減薑黃丸 治冷熱赤白痢。

乾薑 川連兩炒一

各末。糊丸。各收貯。白痢冷瀉。薑丸三十九。連丸減半。空心飲下。赤痢下

血。薑丸十五。連丸倍之。赤白相雜。薑連各半。

龍骨散 治赤白痢腸胃虛滑。

龍骨五錢 川連 牡蠣一兩 烏梅肉三分

共末。飲下二錢。

阿膠丸 治赤白痢。

阿膠 枳殼五錢

川連

白芍

木香半生炒

訶勒皮

乾薑

甘草一兩

川歸 地榆兩半

共末。酒糊丸。梧子大。飲下二十九。

黃連散 治赤白膿血痢。

川連 龍骨二兩

人參三分

地榆

紫朴 乾薑一兩

片苓一兩

赤石脂兩半

共末。飲下二錢。

艾葉丸 治赤白痢多。痛不可忍。

艾葉 木香半生炒

川連

肉豆蔻三分

地榆一兩 阿膠始粉炒

川歸五錢

共末。蜜丸。梧子大。飲下二十九。

阿膠丸 治赤白痢。腹痛不止。

阿膠三兩 川連二兩

胡粉

川歸一兩

共末。糊丸。飲下二十九。

黃連丸 治赤白痢。不問遠近。

川連

川柏

赤茯苓

當歸一兩

共末。蜜丸。如梧桐子大。飲下二十九。

四神散 治赤白痢。後重腸痛。

川連

乾薑

川柏

川歸一兩

共末。烏梅湯下二錢。赤痢加黃柏。白痢加乾薑。後重腸痛加黃連。腹痛

加當歸。大凡泄痢宜食酸苦。蓋酸收苦堅故也。

木香散 治一切赤白痢。

木香

檳榔

肉蔻一兩

乾薑五錢

共末。飲下二錢。

和中散 治冷熱痢。腹痛裏急。

附子

川連一兩

乳香一分

各為末。冷痢熱痢。連附末共一錢。乳末一字。飲下未止。用青皮湯再下一服。

赤痢附末五分。連末倍之。乳末一字。白痢附末一錢。連末減半。乳末同前。

黑豆湯 治赤白痢。服藥不止。

黑豆半升炒去皮
為末四兩

甘草一兩

用綿裹。入湖水三升。煎一升。分二服。

白礬丸 治赤白痢。

白明礬 鉛丹二兩

同入瓶中封固。火煨為末。糊為丸。如梧桐子大。飲下一二十九。

氣痢

論曰。氣痢者。由冷氣停於腸胃間。致冷熱不調。脾胃不和。腹脅虛滿。腸鳴腹痛。便痢赤白。名為氣痢。治宜厚腸胃。調冷熱。補脾氣。痢當自愈。

縮砂丸 治氣痢。胃與腸虛。不能制伏。日夜無度。黃瘦食不生肌。困重無力。眼目昏澁。多年不愈。

砂仁

陳皮

川歸

赤石脂一兩

川連二兩 肉豆蔻五錢

共末。蜜丸。梧子大。飲下二三十丸。

黃連丸 治久氣痢不止。或差或劇。

川連 川歸 烏梅肉

訶勒皮一兩

共末。蜜丸。梧子大。厚朴湯下二三十丸。日二。

猪肝丸 治冷勞氣痢久不差。

雄猪肝一具去筋膜切 陳皮 烏梅肉

乾薑

訶梨勒皮煨取 桂心 川歸一兩

川連

紫朴薑炒二兩 大蒜煨熟二枚

共末。用肝蒜研。糊丸。梧子大。飲下二十九。

木香丸 治氣瀉不止。

木香 丁香 砂仁 肉豆蔻一兩

赤石脂 訶梨勒煨五錢 藿香五錢

共末。糊丸。梧子大。飲下三十丸。

木香丸 治一切氣痢不止。

木香

肉豆蔻

砂仁

赤石脂 五錢

共末用棗肉為丸。如梧子大。飲下三十丸。

香艾丸 治氣痢腹痛。臥眠不安。

熟艾

陳皮 一兩

共末酒糊丸。梧子大。鹽湯下二十九丸。

烏梅丸 治氣痢不止。瘦劣痢成冷勞。

烏梅

草薢

紫朴 一兩

甘草

川歸

訶勒皮

肉蔻

乾薑

葶撥 三錢

桂心 五錢

猪肝 一大葉醋
黃研糊

共末肝糊丸。如梧子大。飲下三十丸。

木香砂仁散 治氣痢。腹脹虛鳴。

木香 二兩
砂仁 五錢

砂仁 兩半

枳殼

訶勒皮 三兩

共末。飲下二錢。

肉豆蔻散 治氣痢腹脹不下食。

肉 蔻

訶 勒

木

香一兩同上俱
半生半炒

甘 草

白 朮三分

萹 撥

乾

薑五錢

共末。飲下二錢。

萹撥煎 治氣痢久不差。及諸痢困弱者。

萹 撥三錢
研末

牛 乳半升

慢煎其半。頓服神效。

休息痢

論曰。腸中宿挾固滯。每遇飲食不節。停飲不消。即乍差乍發。故取名為休息痢。治藥當加之以治飲消削陳寒痼滯之劑即愈。

阿膠湯 治休息痢。

阿 膠

川 連

龍 骨一分

艾 葉五錢

倉 米三合
炒

水煎三錢。溫服。

黃丹散 治休息痢。諸藥無效。

黃丹三兩 棗肉三十枚同丹搗

枳殼五錢

川連

共末飲下。

砂仁丸 治休息痢。

砂仁一兩 肉豆蔻五錢 羊肝半斤

共末拌勻。麵包紙裏煨熟。研米糊丸。梧子大。飲下三十九。

黃連湯 治休息痢。

川連 龍骨五錢 熟艾 阿膠五錢

水煎三味去滓。入阿膠再沸。分二服。每服後濃煎艾湯飲之。

玉液丹 治休息痢。

枯礬二兩 硫黃 硝石五錢

同研化。研末糊丸。小豆大。飲下一二十丸。兼治腸風下血。

砂仁丸 治冷氣腹痛不止。休息氣痢勞損。消化水穀。溫脾胃冷滑。下痢不禁。

砂仁

附子

乾薑

紫朴

陳皮

肉豆蔻 五錢

共末。蜜丸。梧子大。飲下二三十丸。

四神丸 治多年休息痢者。

川歸

龍骨 五錢

川連 一兩

烏梅肉 三枚

共為末。用薤白取汁。杵丸。小豆大。溫水下二十丸。

當歸丸 治多年休息痢。

川歸

川連

烏梅肉 一兩

共末。薑汁丸。梧子大。厚朴湯下二十丸。

金石散 治多年休息痢。

石

灰 風化

鉛 丹 炒 一

糯米 炒 黑 一合

將灰丹同入鍋。慢炒一炊久。入米同研末。空心飲下二錢。

蟲痢

論曰。凡下痢膿血。間雜瘀黑。有片如雞鴨肝。與血皆下者。蠱痢也。此由歲時寒暑不調。溼毒之氣襲人經脈。漸至臟腑。毒氣挾熱。與血相搏。客於腸間。如病蠱注之狀。故名蠱痢。

茜根飲 治蠱痢下血。如雞鴨肝。腹痛難忍。

茜根

升麻

片芩

犀角

川柏

桔梗三分

白蘘葉

地榆一兩

水煎三錢。溫服。

升麻湯 治毒痢下血片。臍下刺痛。

升麻

地榆

片芩

茜根兩半

犀角一兩

山梔二枚

水煎五錢。入生地。薤白。香豉。溫服。日二。

久痢

論曰。久痢不差。則元氣日耗。腸胃損傷。溼氣散入肌肉。浮腫。以胃土久虛故也。蟲

因虛動。上食於膈。則嘔逆煩悶。下蝕腸中。則肛門瘡爛。久而不差。變成疳蠱。或下赤汁。水血相半。腥不可近者。是謂五臟俱損。五液雜下。其病難治。

紫朴湯

治久痢經年不差。

紫 朴

熟 艾

阿膠炒

川 連

乾 薑

水煎三錢溫服。

茯苓丸 治久痢脾胃虛弱。食不消。腸鳴痛。

白 茯苓

龍 骨

川 歸

乾 薑

川 柏

赤石脂三分

陳 麩

川 連一兩

附 子

人 參

甘 草

共末。蜜丸。如梧子大。飲下二十九丸。

黑神散 治腸滑久痢。神效無比。

酸石榴 令一枚劈四塊。火燒烟盡。不

研末。水煎石榴一瓣。取汁下二錢。久瀉亦治。

久痢不止。

生薑切

砂糖一兩

拌勻紙煨。五更初作一服。以臘茶嚼下。

下痢裏急後重

論曰。下痢裏急後重者。有痼聚也。經所謂大瘕泄者。裏急後重。數至圜而不能便。莖中痛是矣。法當和氣而祛蘊滯。則脾胃平和。飲食腐化。膿血自消。則大腸自固也。

當歸黃連湯 治後重下赤白滯。小腹內結痛。

川歸

犀角

赤茯苓三分

川連兩半

甘草五錢

紫朴

地榆一兩

薑棗水煎。三錢溫服。

聖功散 治冷熱不和。下痢赤白。臍腹痛。裏急後重。

乾薑

五倍子一兩

甘草

訶勒皮五錢

共末。飲下二錢。

白頭翁湯 治熱痢下重。

白頭翁

川連

川柏

秦皮三兩

水煎三錢溫服。

當歸湯 治冷痢裏急後重。

川歸

胡椒

乾薑

阿膠一兩

川連

紫朴二兩

共末。醋熬膠末爲膏。丸梧子大。陳皮湯下二十九。

通神丸 治膿血雜痢後重。疼痛久不差。

沒藥

乳香

五靈脂一錢

巴霜五分

共研。水丸小豆大。木瓜湯下五七丸。小兒減半。

痢後脫肛

論曰。下痢脫肛者。因大腸虛弱。冷氣偃滯。致不能便。極力於下。肛門脫出。故名脫

肛。溫其藏則愈。古方有坐湯溫熨之藥。皆良法也。

黑聖散 治痢久脫肛痛。

大蜘蛛一枚入泥合燒
勿太過

研末入黃丹少許。先用白礬、葱椒湯洗。拭乾。滲藥在軟帛上。按托肛頭。即不下。

豬肝散 治洞瀉脫肛。

豬肝炙一片

川連

阿膠

川芎一兩

烏梅肉二兩

艾葉醋炒五錢

共末酒下二錢。

壁土散 治脫肛。

故室東壁上土五合

皂莢三枚

共末傅肛上。取皂莢灰煖。更互熨入。

枳實熨方 治積冷下痢脫肛。

枳實一枚

石上磨令滑澤。鑽安柄子蜜塗。炙令煖熨之。冷易。肛入即止。一方以豬脂和

蒲黃傅肛上。手按令入。日二三愈。

疳蠱

論曰。疳有五種。久變爲蠱。蠱蠱一曰白疳。令人皮膚乾燥。而無潤澤之氣。二曰赤疳。令人毛髮枯焦。三曰燒疳。令人腰脊強重。四曰疳蠱。令人下部孿急背強。不能俯仰。五曰黑疳。患者必死。令人五臟俱損。或下瘀血。此蓋腸胃俱虛。嗜肥甘過度。致脾胃緩弱。穀氣衰微。衛氣虛損。腸間諸蟲因虛而動。蟲蝕於上。則手足煩疼。心中懊懍。嘿嘿不欲飲食。腰脊無力。食不知味。精神恍惚。夜夢倒顛。咽喉生瘡。齒斷黑點。損爛膿血俱出。胃氣逆則變嘔噦。下蝕腸胃。便痢膿血。或下瘀黑。久不已。則肛門爛開。漸至危殆。治積年疳痢面黃瘦。

硫黃

川連

熟艾一兩

白蜜一合

水一升。煮連艾取汁。入黃末數沸。綿濾過。入蜜數沸。分三服。疳痢久不差。羸瘦欲死。

羊 屎 一 升

水一斗。浸一宿。明旦絞汁頓服。至日午惟食水。煮飯極重。不過三服差。

二白湯 治久痢變疳。下部生惡瘡。惡寒壯熱。

桃白皮

槐白皮 一升

苦 參 五 合

大 棗 十 枚

熟 艾

五合要二月二日取者方妙

用水五升。煮半入熊膽一棗。大攪勻。以一升灌下部。餘分三服。

治久痢成疳 百方不差

丁 香

麝 香

川 連 一 分

共末。用竹筒吹入下部。

溼淫蠱

論曰。凡下痢不止。或發之餘。為水溼所乘。客於腸胃。令九蟲皆動。侵蝕臟腑。故為溼蠱之病。所謂蠱者。蟲動於匿而難尋故也。謂蟲因溼而動。故名溼蠱。其症上蝕脣口。下食肛門。上脣生瘡。是蟲蝕五臟。令人心煩懊懣。下脣生瘡。是蟲蝕下部。令

人肛門傷爛。若胃虛氣逆。則變為嘔噦。甚則臟腑被傷。齒上下斷皆生瘡。齒色暗

黑。是其候也。下痢出瘀血者。不可治。

黃連湯 治疳溼蠹蝕口齒及下部。

川連四兩 熟艾二兩

苦參

槐白皮三分

水煎五錢。重者。不過三服。

猪膽煎 治疳蠹下部上攻。除熱殺蟲。

猪膽一枚 米醋五合

煎醋百沸。入膽汁再熬。滿口飲之。蟲死差。

塗方 治疳蠹。無問所在皆治。

死蝦蟆一隻 燒灰

研末。麻油和塗患處。

丁香散 治疳溼蠹。洗熨下部。

丁香一分 麝香一錢 甘草 犀角三分

共末。以鹽椒各三合。豆二合。水三升。煮乘熱用。用綿蘸洗熨。

